



香草居集卷四

嘉興 李符 分虎

詩四

洞庭絕句同仲兄作

水闊山低武陵岸郭門一半逐江開扁舟不耐停喧市
昨向桃花洞口來

香鑪洲畔欲黃昏舫外微聞笑語喧秋水纔消沙岸出
漁人結屋已成村

三老猶迷水渼淺中流指引得漁船籠魚便數青錢買
已有襄陽縮項鱸

昔年獨溯湖湘去三五同舟非故鄉今日隨兄頻對酒



此行未覺色淒涼

蒼茫四面水雲浮曉日東來照柂樓記得羹湖題七字

眼前難賦洞庭秋

姚經三洞庭詩有只
有青天尚欲無句

朝朝蕩槳渡平湖五兩風輕緩舳舻莫悵岳陽樓不見
君山一點尚虛無

北船載鹽白如雪南船買米桃花紅紛紛估客自來去
應笑攤書波浪中

秋夜集張學使署

黃菊花殘香滿林尊開官舍湯披襟金波素影穿簾靜
銅鼓煙嵐入座淡與讌總來風雅客論文真見古人心
酒闌數誦陽春曲如奏朱弦清廟音

黃絲曲

黃絲城裏雪滿天如花十五酒壚邊征人收轡欲投宿
一笑當門接馬鞭

渡盤江

綿亘盤江水源從烏撒流滔滔終日逝渺渺古今愁碑
字看難辨津梁築未休一從沉鐵鎖長設渡人舟

答韓將軍激江見寄兼呈王大

雙魚遺我桃花札玉案新詞滾滾濤汗馬文章誰獨得
歲寒風雨重吾曹雪淡官舍貪高臥人遠河陽苦夢勞
更憶牆東王處士銜杯定壓五陵豪

秋夜同釋巖宗賦

香草居集卷四
一
遠公飛錫至對坐夜窗虛說法窮香象翻書辨魯魚三
吳同遠別六詔話當初不覺樓頭月依稀下玉除

走筆贈趙駿求

岸幘臨池似右軍銀鈎鐵畫最殊羣衙齋多少羊欣侶
題徧花前幾幅裙

送白子

置酒南城闌送君當暮春浮丹武陵渡飲馬黃河津月
見幾回滿柳攀他處新鄉書可頻寄慰爾高堂親

過靜樂精舍贈僧

精廬遙在百重巖中有支公最不凡清晝學書頻洗硯
法華默誦不開筵臺施香飯饑烏下徑滿秋花小鹿銜

我欲山頭覓仙草潑雲共爾劖長鑱

竹

窗外無多竹蕭蕭覆屋深愛此歲寒質終日坐清陰壁
影疑新畫秋聲雜素琴他年如結實應有鳳來尋

八月十五夜侍母家宴

折簡招游謝比鄰長齋小閣侍吾親賤嘗楚估桃花米
香煮吳江雉尾尊襟坐呼兒無主客微疴和藥有君臣
不教佳節愁中過五載曾爲萬里人

九日飲明遠叔襲紫樓

扶屐憑高爽氣澄午餘留坐及宵燈雙童解事簪黃菊
九日開筵剝紫菱婪尾酒隨羣從飲近花樓記隔年登

青山歷歷當前好不用捫蘿上幾層

甲寅元旦

曉窗紅日射氍毹好夢醒來祇自娛
卯酒敵寒溫大斗辛盤餉客儉中廚
天涯生計憑龜筮井里文游混釣屠
我是不求聞達者科頭散帶信狂夫

饑驅遠道逐風塵天未間關賸此身
長水以東三里市四民之外一閒人
竈炊柳火更元日屋俯梅花放好春
歲事未能全免俗也搗淮鼓鬪比鄰

人日潘次耕過訪

潘郎文采似繁欽昨歲相逢已入林
人日扁舟停水市江梅香萼動春陰
瘴鄉歸客貪高臥酒肆藏名合細斟
別久相思今邂逅不須遙寄草堂吟

錢尋千留飲草堂遲周白門不至用方秋崖春雨

韻

村深絕愛門迴竹雨歇相尋屐破苔
別院簫聲風折斷芳筵花墮鳥銜來
燭纔有炮催金翦月又如鉤映玉杯
已假周郎風力便如何猶阻片帆開

秦溪初度述懷即呈外父及諸內弟四首

江鄉賀歲逢初度別館開樽爲細傾
將老修名慚未立早年文字悔相輕
閒看晴雨占農事坐對鶯花遣客情
儻許結鄰重到此煙波垂釣足吾生

弱齡束髮記初昏十載相依寓此園
往事茫茫如一夢

香草居集卷四
四
歡情藹藹見諸昆，兵戈滿眼甘藏拙。坎壈纏身易受恩，
難和阿翁詩律細。人稱玉潤是空言。

良辰雜坐草堂偏，忽憶年增獨黯然。去國曾持簫入市，
生涯不耐硯爲田。觀燈小巷愁新雨，對客圍碁廢醉眠。
解事山茶花一樹，低枝灼灼照春筵。

少壯飛騰意絕羣，年將四十竟無聞。酒壚有債嗟垂橐，
戰地何方可賣文。兄弟成行吾覺老，姮娥沉影夜知分。
溪南小艇催歸去，愁說朝來別海雲。

集蓼園從祖齋看梅小飲

梅花正好亞迴欄，移榻西窗促坐看。竹葉酒能留夜話，
木棉裘足禦春寒。中天雨意何曾歇，別館吟聲尚未闌。

此地不聞鼙鼓急，且令懷抱一時寬。

村居書懷

東風吹暖拂梁塵，北里南鄰共此春。詩問解人方信好，
囊空昨日不知貧。青山樵客爲吾友，碧水松門少雜賓。
家有白頭慈母在，遠游難許四方身。

欲采梅花釀麴塵，閉門日日醉青春。中懷挾策偏違俗，
右臂傭書不救貧。解事園丁教種樹，能言籠鳥報來賓。
買山未定何山好，村屋年年托此身。

題繆天自隱居

荷插攜筇到水涯，短籬小徑即山家。酒邊茶熟甌兼甕，
竹裏梅開葉映花。試扇畧嫌春太暖，題箋未倦日將斜。

閒中更有移情處聽罷新鶯又晚鴉
石橋煙舍晝開局不惜衝泥日再經總是好春何厭雨
但逢雅集便宜亭溪魚撥刺投竿得山鳥綿蠻倚樹聽
載酒花時尋勝地無如南去兩峯青

同諸子集吳瞻子齋東懷繆天自都門朱錫鬯潞
河錢爾載膠城家伯兄皖口分十四鹽

閒居無事只巡檐共數文游別思添四友一兄行共遠
江雲沙樹夢長兼隨肩往事輕談笑轉眼殊方老鬢髯
尚有故園同調在詩成俱付塞鴻銜

讀徐大詩餘效西崑體

大晟樂府昔相傳南渡音亾四百年天上忽來徐僕射
人間重見柳屯田欲將錦覆銀鉤字須對爐焚鳳腦煙
安得玲瓏歌此曲雲和一一譜朱絃

夏鼎生見訪有贈

憶同硯席坐西東廿載韶華轉眼中有子忽驚皆欲冠
問年俱喜未成翁詩工近日人宜瘞錢付當壚橐易空
莫嘆此生長賣藥伯休從古擅高風

項東井見訪以洞庭游草牆東坐雪詞投贈

碧溪春漲雨潺湲阻我南溪一葉還自分蓬門閒水次
誰知名士枉花間彩箋重疊留新詠阜帽風流想舊顏
怪殺小齋屏幾曲未曾乞寫郭熙山

尋周青士不遇

新晴一相訪君又挂帆行無主花誰掃
嗔人鳥亂鳴貧難完酒債老愛走詩名
辜負春風裏投竿水至清

社日偶成

入春逢五戊物候眼中新梁燕仍棲陋
山花不笑貧躬耕商野叟社飲赴比鄰
谷口與梅市吾師兩子真

清明七花歌

漢南舊種垂條新清明攀折插戶勻
輕絮亂落沾風巾盤根仙樹玉為身
皎若雪斃停車輪花田百畝迴前津
誰裁流黃作錦茵踏青過此宜逡巡
紅顏如醉嬌芳晨西府色奪昌州春
忽憶家園瑤席陳千金一樹歸比鄰

藿園舊宅有海棠一株最盛樹下可布數席

空谷燕尾香絕倫采之作佩思

靈均翡翠葉圍火齊珍九心佳本滇池真寶靨欲鬪雙
朱脣萬朶灼灼照水濱願隨漁父持釣綸去住花源非
為秦

武原歸舟同錢尋千作

春老殘花裏人歸畫舫中海雲飛帶雨水鳥浴當風促
席陳清話烹茶進小童翻嫌五兩疾相對片時同

和曹倦圃先生春草詩

試望平原二月天社翁雨過便芊芊後於鵲乳生河畔
沒了苔痕到檻邊錦似織時花半落碧相交處柳三眠
山中歷日無由見藉爾春青記歲年

香草居集卷四
水簾初漲青相接鸚鵡低飛綠未分定妬鄂君張翠蓋
解留卓女舞羅裙詩從朱雀橋邊得湖自黃陵廟口聞
更向畫樓高處望江天一色亂春雲

玉驄嘶處衆芳新采拾應輸楚逐臣鳥勸提壺趺坐穩
客招撲蝶冶遊頻分開離別東西路送盡天涯少長人
只愛中華風候暖白羊城外不生春

花間竹底最參差宜雨宜晴鴈去時日照總如金翡翠
煙籠眞見碧琉璃好教鄭谷題斑管不枉香山喚舞姬
門徑未須緣客翦任他生意自離離

立夏日蔡遠士移酌周天昔村居

良辰布席借鄰家行到松門日未斜留得薔薇紅滿架

春前含蕊夏開花

綠樹鶯啼在舍南玉壺春酒弄雙柑竹林今勝山公輩
坐有詩僧促席談

朱不爲紫薇軒偶集

今朝天氣佳灑然越塵市閒人相與俱緩屨不踰里倚
樹聽啼鶯一日三四徙東鄰訪故文幽居面流水十畝
桑柘深綠映柴門裏軒窗爲我開書帙富盈几海棠發
已謝芍藥尚含蕊吾師昔手植石壇鬪紅紫玉瓶瀉如
澗飲必命弟子舍瑟春風中言許狂者是逝波感今昔
六載一彈指遺編付後賢承家賴有爾平生愛良友盤
餐出花底雅集逼新詠分題授側理謂詩能窮人一任

椰揄毀浮雲視軒冕不以彼易此銅壺三漏下傳觴猶未止茲游旣盡歡吾儕可歸矣

集錢尋千城南別業

青山遙對草堂偏衰柳垂門帶晚煙殘夜仍教遲明月主人只欲繫歸船催詩雨意生天外醒夢潮聲到耳邊心醉坐中詞賦客不傾下若已頽然

香草居小集限韻

香草居士日杜門蕭然兀坐小茆屋鄰家爲園好布置我得借看牆外竹結廬人境但可住出處休尋簾下卜眼中有物皆稱意妻梅子鶴友麋鹿生來不具食肉相便食侯門亦見逐狂言久爲世所棄塵尾落盡犀柄秃

殊駭空谷有足音何異玉樹隨散木翻恨策杖來何遲斜陽欲去林杪速急罄囊錢命沽酒銀瓶倒瀉山杯綠賦詩雖工布衣老傳亦無過如孟六不計他年身後名悲歌且換尊前燭

樹根羅漢筆格歌

旃檀香結千年根木也如石堅不撓絕肖香醉國尊者右肩偏袒垂方袍隨佛城中乞食罷鼓腹偃臥團蒲牢天然須髮欲全動刻意奚藉金錯刀我聞象教薄文字陳立絳人非爾曹琉璃硯水幸長竭不爾折葦浮波濤吾兄往時西南游有容遺此歸囊操一日摩挲幾百遍閣禿神授生花毫暫置玉案示衆客盡駭異物同叫號

客稍後至不得見或恐愛者攜之逃
答奕菴從祖

竹鞵葵扇採芝翁送我黃梅細雨中更念江東老孫子
頻栽桃竹作詩筒

槐市同居隔柳橋巷南巷北總蕭條吾家廉吏清貧後
肯怨天涯挈酒瓢

紅羅亭畔客徘徊望遠還登舊越臺孤負秋筵黃雀會
拒霜花爛不歸來

寄棧林上人

一兩青鞵破蘚苔巾瓶相對皺眉開前因記得烹茶否
佛手巖頭其往來

憶住家林一事無出門便擬問僧廚如何菰筍滄州句

不寄飄零鄭鷓鴣

孟冬集半完圃夜話

小春天氣似三春風送清香橘柚新
深夜疎鐘來遠寺
隔牆殘月墮西鄰
燭燒烏柏花頻結
酒對青梧醉各真

坐次一聞高潔語吾生從此不憂貧

耕閒莊次家兄韻

客行厭風波命駕返鄉國

子時從江北歸

重問沈郎居無恙小

泉石春花醉眠路
遑事記歷歷行樂須及時
何暇悲陳

迹巾袷三四輩
詩酒皆勁敵
山家老瓦盆
菱芋此中出

年增合閉戶
况迺亂離值
願與爾鄰比躬耕
畝盈十樵

香草居集卷四
漁盡我友义手荷蓑揖一任世上人笑指田間客遶屋
種松篁臥看倉翠色真欲結農侶攤書長抱膝
不成寐用前韻

中原方戰伐草莽亦憂國尺義守不移我心本匪石轉
睫年過壯世態萬變歷田園兵燹後廡下逃我迹素乏
傾蓋交亦少同舟敵橫簫作吳音謀食偶然出間賣文
爲活人許一錢值匹夫懷至寶書載連車十幸非汲長
孺不向侯門揖短褐而狂吟共訝此何客藜藿救腹餒
顏面有饑色貧賤不事人庶幾全此膝

除夕前一日趙天羽農部招飲

省郎私第近山客舊游諳遠岫連蒼翠斜陽墜鬱藍憑
軒逢歲晚緩帶罷朝參朔雪晴消半寒花候過三張筵
催置酒掃徑待停驂池館多栽竹賓朋共盍簪論文借
少長接坐盡東南古硯琉璃匣奇書玳瑁函欲花官燭
短如篆水沉涵錦石爲杯勸青松作麈談羹調魚膾滑
果剖柿盤甘窗幌雙童捲庭梅十步撥倚樓吟趙嘏按
拍付何戡永夜詩懷健他鄉樂事耽出門星歷歷側帽
髮鬢鬢歸路聞清磬圓聲落澗潭

登北高峯絕頂同趙農部賦

農部先生趙恒夫愛撥邱壑邀我俱銀河初沒露凝珠
便整芟屨褰裳襦北高峯上朝霞鋪援藤拾級曲折趨
山腰古廟僧貌癯掃磴趺坐談斯須指點前路尤崎嶇

香草居集卷四
青援力健相纜扶振衣絕頂心膽麤仰捫霄漢凌蓬壺
何年劫火焚浮屠金盤寶鐸埋蓁蕪巋然故址通雲衢
下視巒嶂兒孫呼杯勺可挹江與湖中流蘭鷁如飛鳧
海波摩盪紅日孤西溪半壁還模糊臨安自昔爲京都
十門萬堞但一隅城頭曉角吹鳴鳴城內雜遝人爭塗
咫尺便覺仙凡殊先生快意掀髯鬢操筆賦詩轢大蘇
林泉名勝無地無舟車局促何爲乎

宴田子綸員外宅同顏修來司勳曹實菴汪蛟門


兩舍人

天寒塞向居客舍冬始半羣公邀宴游片紙桃花粲出
門朔風勁衝沙策款段賢哉畫省郎日午已開館屐破

苔痕淡袖拂爐煙斷童子設杯竿擗擋琴書亂比鄰兩
舍人退食且東觀司勳來何遲知爲牘尾判簪纓諸長
者盛名逼霄漢樹幟主騷壇正聲救靡曼但逢花月下
必速文酒伴顧子無才長亦放青眼看拭拂銅雀瓦追
隨弄柔翰真勝操耒耜輟耕歌隴畔始幸國門趨斯游
非汗漫樂莫樂今夕縱飲觴無算漸聞街鼓催金吾旅
人憚林黑返淡巷藉此明星爛闔扉就醉臥不計靈臺
爨

宿遷道中

風捲沙如霧雲生雨作陰河邊惟見柳鴈外絕無禽囊
句添驢背鄉愁伴客心不知前路去何處有山林



原件短缺

P13

題畫牡丹

隄麋潑就歐家碧絕勝宮中一尺黃豈獨看時人步澁
春風吹去欲生香

偕趙農部宿韜光寺

共訪逃禪客生香手自拈草花多礙屐風竹亂侵簷佛
閣藏書史山廚足米鹽幽棲詩思好寫禿彩毫尖
精廬人不到靜掩竹扉單金粟僧如舊蓮花社有官晨
光初著樹秋露未收溥坐久齋鐘動圓聲出兩巖

贈慈息菴正公

精廬藏得舊芸編詩壓清江與皎然三笑圖應添法護
正公令弟卓錫與慈息比鄰再來人合號彌天地貪南國山林勝坐

詎能轉君來矢至公約法小胥繕芹堂萬弟子相告手
爲拈下客寓石頭濡裳采菱鈿秋嶺楓葉底望見雙旗
茜行將謁三茅提轡鞭紫燕便擬褰朱帷振睫窺著撰
願言發歌嘏操縵奉游宴

懷遠士

桃浦飛花綠水長潘兄阮弟合山裝西湖燈火南湖月
何地相思不斷腸

越鳥銜來葛粉箋遙知無恙舊林泉爰仙山下耦耕去
只欠囊中種黍錢

市背鸚林狎酒徒尊空長記犯街沽秋來煨芋分僧鉢
曾念江南旅食無

寄查德尹

柳繫青杉牖口船朱櫻白筍惜離筵忍看白鷺洲前月
來照離愁又幾圓

鈿波淼淼五湖鄉三尺銀鱸入饌香釣艇期君纔有夢
又驚斜笛到秋牀

教妓樓頭緩緩歌朗山新調惜香多近來細寫周情卷
只待封題寄行波

白門秋盡喜龔石坪至

西冷前度割香萼曾訪煙蓑醒釣人欲借寬閑湖一角
有荷花處結漁鄰

散花灘上雨如絲愁束春裝付舵師不信江南紅葉底

冷苔重掃對秋碁

破帽耕人揖飲仙渾忘游倦白門天女膚硯滑供詩筆
定廢今宵背燭眠

新種苔枝映竹扉對牀人在日相依

謂令弟
衡圃

溫香撲琖

須臾事不到花時不放歸

游牛首山長句

秣陵佳山數牛首石窟從古巢神仙晉時更名曰天闕
山圖尺楮按陳編夙昔挂夢腳或跨醒望翠壑仍茫然
主人好事約俱往上冬日暖同春妍巾幘對對畫杠插
櫪馬匹匹紅韁牽毳袍茸帽十數輩皆云良游詩作緣
予前全蕩園賦詩有官槽
多紅鴛曷不聯轡騁句
吳鞵新蠟瘦僮挈到彼著此

香草居集卷四
五
登臨便城門老兵纔起鑰萬闔未動朝廚煙踏霜南嚮
三十里已見嵐彩流蒼巔藤垣薜嶂裏花剝徑轉日豁
朱甍連苔井欄壞冷泉涸塵廊葉積殘碑眠遼王肥字
斗樣大寺額剝落金泥鮮槁顏衲子衫右袒以手抱杖
揖客前傷指冬青銀杏樹爲言值自隨唐年斲石排梯
百八級上俯樓閣香楠椽信女翦綵繭花活佛瓶分供
青紅蓮拓窗四眺野蕭瑟村村苦潦秋爲田清齋無糧
飯不足咄嗟能辦伊蒲筵蒸壺狀類鴨垂頸煮菜味勝
彘切肩糝愁不飲興未劇瓢酷催買拋囊錢會須乘醉
撲窈洞乳水滴衣珠顆圓兜率古崖勢陡絕心懾屐溜
飛蘿牽蓬菴僧雜習梵咒隔林遙聽疑琴絃倚筇更陟

兩峯頂芙蓉翠削東西偏中道似借五丁鑿可使射騎
馳空弦老松伐完穉松矮綠梢僅到雙脊邊重攜酒榼
坐就地璣瑜橫陳雜錦鞮祖堂車府皆在下長干塢小
但一鞭大江微茫潮影白風帆可數不見船朱雀門開
恰遙對舊築御道通平平相傳宋齊梁陳代於此除墀
郊南天太息當時翠華路付與蔓草氍毹穿辟支孟鉢
已灰燼休問寶公履烏全建炎之初駐大將曾棲帶甲
人三千岳武穆與金人
戰屯兵此山荆榛瓦礫覆戰壘得無折戟埋
沙堦越客登覽意雖愜其柰弔往哀思填那能置身聞
見外檀龕跌膝參枯禪不爾便著逍遙服茹足餐花學
幄佳山花灼灼草芊芊好景須待春風顛且提倦轡下

山去他日重來聽杜鵑

香草居集卷四終

香草居集卷五

詩五

贈王石谷

隱門松竹占琴溪料得前身是井西
愛看江南江上景畫奩詩筆滿船攜

朱杠碧幔筍輿輕黃葉秋村處處行
不有白門山作合那能攜手話平生

吾家秋錦贈題箋孫楚樓頭斷句傳
悔殺此時文臂失相逢遲了十三年

知己香緘幅幅長畫沙萬字篋中藏
衫痕多少羊曇淚

只為婁東老奉嘗

王煙客先生為石谷第一知己所貽書翰幾及千幅

載酒棲霞夜宿寒繖山雲壑染吳紉玉籤犀軸裝成後

不是同游不與看

蘅圃招游攝山石谷寫圖

吹雲潑墨笑凡流傳彩經營似十洲若使遠追南渡輩也應方駕暗門劉

乞寫煙鄉抱耒圖桃花十里錦模糊結鄰果肯拏舟到

割送蒼茫水一隅

石谷為子寫桃鄉圖并題卷末有結鄰偕隱之語

龔蘅圃置酒梅樹下

紅萼先殘綠萼遲暖簷玉蝶半開時朝來剛歇廉纖雨肯放春筵冷玉卮

鳳臺門外誰家樹昨歲移栽官舍南幸倚愛梅仙是主

不遭攀入賣花擔

錫簫聲裏過春分猶有寒香奪舊芸社燕飛來應未識做巢銜去認梨雲

側帽婆娑又夕陽催人吟思更移牀酥鈿飛入紅絲硯好句濃書玉版香

梅窗為柯亭賦

新設南窗好苔枝影到牀花情都在屋江調細書牆滑硯沾輕雪寒袍著老香玉樓人定愛偷折送桃孃

題龔石坪醒釣圖

舟穿花底一蓑香釣得溪魚錦尾長又把瓦罇吟好句世間那有此漁郎

香草居集卷五
醉繫輕舟宿水濱。曉風吹醒便垂綸。欲君閑卻持竿手。
再補山橋送酒人。

瞻園別詩和蘅圃

自遊儉幕罷鴻春。涿水抽花四度逢。誰料今年行太速。
別筵不及采芙蓉。

每到花時設錦茵。枝鉤格籬酒千巡。冬天梅竹春桃杏。
舍爾渾如別故人。

檢點歸裝錦篋篇。詞箋詩草記年年。分題半為園林賦。
禁得臨歧不惘然。

小山從此是蓬山。古洞蒼雲想像間。欲使林泉報無恙。
好畱雙鶴守重關。

斜廊廣檻好亭臺。去後須知有夢來。縱使重為冶城客。
層門誰為酒人開。

此中更愛森森樹。銀杏柴松百尺強。去向長安高堦望。
今宵未擬上江航。

畱人梁燕舞差池。欲去還傾掌上卮。半醉匆匆吟斷句。
風前腸斷省郎詩。

秋柳

萬縷黃疎白。版橋鴈飛南浦。葉蕭蕭。一春倦眼傷離別。
便不逢秋翠也凋。鴉棲蟬抱不藏身。搖落都無舊麴塵。如此煙條忍攀折。
夜樓吹笛更何人。

香草集卷五
苦憶春園綠映扉年年秋老未言歸西池消瘦無人問
枉費空枝掃釣磯
舞腰曾借可憐名纖軟渾如綰帶輕料得而今共憔悴
最銷魂是玉溪生
霜後風淒樹樹寒紅樓近處莫吹殘畫眉人去無新樣
留與梳窗一葉看

紅葉

香楓色染釣蓑殷晚趁秋潮弄艇還安得辰州砂一斛
推篷圖徧望中山
山裝烏柏葉如花倚杖閑尋舊酒家便借霜紅煨芋栗
斷垣籬落掃輕霞

水市紅遮養鴨村江鄉秋晚夢柴門石欄踏葉呼鄰叟
滿地珊瑚照綠尊

北山行

北山之北南山南山根老樹葉染藍下映千尺之清潭
水天一色迴晴嵐中有人兮髮鬢參褐衣箬笠竹爲
簪逍遙全志林無慚少壯讀書盡萬函十行俱下雙瞳
貪經史百家抵掌談川嶽名勝夙所耽九有大半驅征
驂衡門歸來弛負擔愛茲泉石青鞵撥筇枝在手扶餘
酣緩屨從游弱冠男併荷插者人只三行吟微笑心事
含胸中之樂誰能參

贈權關揚州趙恒夫

繇華廣陵城設權截江滸里道天下中南北接檣榜星
郎主計臺百廢得具舉唯彼山澤利王政行自古菽粟
布帛絲齒革角毛羽薄徵按稅書廉不溢銖黍津吏橫
索錢有罰必價楚下車未數旬萬頌喧羣估公暇愛長
吟灑翰捷如雨孔坐合文人鄭驛拉仙侶移舫小秦淮
時作平山主垂楊隱紅旗飛花點青組勝事續醉翁珠
歌間雪舞顧我客石頭挈艇期屢阻忽忽歲已周層冰
膠斷浦挂夢竹西亭得句缶頻拊聞將出鈴齋報最達
少府北轅如未駕行當奉揮塵茗南儻暫歸廣廈昔曾
處願泛白蘋酒重翻舊簫譜肯以尺翰招蘭柅星夜鼓

水市咏飛來白鷺

團雪因風墮雛飛忽斷行掠絲潭影瘦晒翅柳陰涼放
浴銜魚藻憐饑飼鶴糧宿沙思傷母只戀水雲鄉

秋夜不寐懷故鄉作

鉤月初沉嘶鴈稀聽殘金柝響園扉燈窗棲屑新涼近
香枕濃團舊夢非客舍已嘗秋社酒家鄉未寄臘孃衣
數間老屋菱塘外孤負漁竿插釣磯

贈吳江濤

故林歸近十年期仙令猶嫌拂袖遲餘俸盡沽春市酒
征帆重覓草堂資秦淮踏月尋邀笛謝墅投筇弔賭碁
曾向鴛鴦湖上住願君歸整舊茅茨
丹鼎無心學葛洪七旬不改盛顏紅餘杭帖在臨摹健

王右軍有餘杭帖同谷歌傳格調工脫組逃名仍蕙帶懸裝長物是蕉筒愛梅仙後詩人少一片孤山屬塞翁

秋海棠十二咏龔蘅圃錢尋千同作

鈿扇頻遮紅粉妝嫣然搖動怯新涼吳儂不信昌州樹也抵秋庭草本香臨風

昨夜因花怪雨濃曉來卷幔錦重重茜唇杏靨依然好不爲啼痕減冶容宿雨

柔脂只傷粉垣低月額初收日影齊花口紅垂晴意拆蝶翎黃趁午香棲乍晴

朝從川后采珠回羅襪涼侵舊錦苔莫是凌波太無力尚餘嬌汗溼桃腮晨露

朱鳥窗中醒醉眠整鬟人與鬪芳妍神鍼看取當花譜

繡入羅衣隱可憐午窗

玲瓏石畔冷吹霞幾退斜陽未退花若怕秋炎須障面

好將圓葉當團紗晚照

小院黃昏翠袖寒相邀月姊憑欄千千絲繫住瀟湘幅未許秋宵坐紫鸞月下

斜插秋瓶澹夜燈玉纖折贈手香凝紅牙催賦紅兒曲試問蠻牋擘未曾瓶中

看花忽訝眼朦朧好手徐熙寫未工絕似睡醒鸞帳揭玉肌紅隱篆香中籠煙

秋奩風息淨無紋側映輕紅色未分浣女不知花是影

香草居集卷五
六
等閒折取溼羅裙

映水

珊鈎兩兩映朱顏鏡檻相依盡日間祇恨葯房來未肯

下簾如隔小蓬山

簾外

愛憐最是曉梳人窺鏡斜簪兩鬢勻添插抱花雙翅小
連他螺蝶也疑真

鬢邊

呂城口號

辟塞耕人鬢已華年年爲客向天涯願來鐵甕城邊住
江上歸帆即是家

宿苻鄉

數家官路口門外雨淒淒挂火蘆藩外炊煙土銼低農
歸多說虎村遠少聞鷄只有蕭蕭鴈橫空不住嘶

瞻園早春用白樂天新居早春韻

徑幽人跡少雙鶴管閑門萍合方池面蘭藏亂石根穉
梅初著樹嬌鳥漸窺園卻怪收燈後猶聞簫鼓繁

紅點春泥上將離坼凍芽帚忙除老雪鐺響熟甘茶候
暖登樓數風輕入幔斜朱繩聯筍柱飛戲在鄰家

司馬坊新居十首

花南老屋稱鴻春白版雙扉祇一重飄泊半生三徙宅

隔垣仍見藿園松

藿園子
舊居也

業創吾家蹉使者偶然來住老宗孫年時喬木雖凋謝
賸有香橙翠葉繇

插籬分徑未成三署榜應題曰小菴量去祇堪容十笏

買來不用脫雙驂
浦西冷巷小門閭
差愜貧翁養鴨居
賀客幸無簪紱輩
未妨湫溢不容車
移時錦石鋪鴛鴦
鋸得香杉換蠹椽
又費買山錢一橐
松雲高臥更何年
竹牀蒲椅設前楹
藥竈茶爐次第成
更要半間爲酒庫
卷波日日對蘭生
淺瀨無波著釣輪
且治小築寄吟身
短牆七尺遮庖井
蘭膳堪娛白髮人
覆海模糊柱柱頭
茅花帚拂舊詩樓
水村橋樹窗窗見
惟此能銷十樣愁

半畝荒塍接屋隅
試教阿段翦榛蕪
急尋花匠來商畧
先種苔梅四五株
擬築茅茨面碧溪
桃鄉深處把耕犁
結廬人境非吾願
掃地焚香只暫棲

移居檢點箱匣見亡妻鈿奩感賦

棗犀銷黯鈿花昏
四角摩挲染淚痕
猶貯嫁時雙鳳插
斷珠零落付桃根
蘭閨故物委深埃
記傷貧家舊鏡臺
織繡時多梳掠少
生前長是不曾開

江村

沙際江孺闊荒村
老樹邊人家鄰澤
國生計在漁船荻

香草月集卷五
八
箭溪遮屋秧針細插田今年新麥早戶戶有炊煙
露籬凡幾折半挂綠莎衣日落收耕具潮平出釣磯雪
鷗依榜宿花鴨認欄歸近爲輸蘆稅江人住者稀

夏日晚集瞻園分韻

夏半涉古園拖筇綠陰底小山亦周遭近不踰十跬春
前桃李梅子熟可投齒川葵花後放本本有賸蕊苔逕
少踟躇涼風颯然起落日射樹隙亭隅半窗紫晚鴉翅
漸歸老鶯啼亦止露庭掃鶴毛鋪筵列蒲椅餅瀉方淮
釀是夕設秦郵
木瓜酒最美盤膾後湖鯉視量分酒杯大者授以兕
所喜客江南相對盡鄉里淺醉月始生光滿曲池水惜
無菡萏開香沁葛衣裏隔垣萬人家收燈罷夜市但聞

城頭鼓鼙時到耳未擬就繩牀頽然且憑几

憶武邱舊遊戲做皮陸作吳體即用其韻

吳儂絃簫合吳響大笑野客抱槁梧秋宵月斜衆始散
我復掃石鋪龍鬚珠鼻玉鴈總陳土闔閭塚荒懷霸圖
朝來下山買花去隔鄰茜袖當翠壚

寄龔雪坪四首

君住杭州好東城僻似村菜田低傍屋花塢近當門風
動書籤亂池傾墨汁渾有時碁客至小院掃梅根
苦吟偕伯氏义手更隨肩婚嫁將完日康強未老年愛
撫倪叟畫閒泛米家船小泊西泠渡看山一醉眠
白下隨詩履黃花酒滿觴埋香哀北里銜璧弔南唐秋

香草居集卷五
九
卷題憑閣寒燈話對牀別來三百日羈思總淒涼
討春乖舊約惜過采蓴期江館懷仙侶鄉亭憶夢兒最
憐香草路獨詠斷橋時准擬菱秋候橫塘喚檝師

藍謝青有卜鄰桃鄉之意末章落句及之堅其約
也

短至初熱雨初晴小山樹樹新蟬聲客樓一月十沉醉
江國四年三送行馬首看雲句容路榜前沽酒延陵城
鏡奩無浪布帆穩紫笛青琴隨意橫
吳閶東去煙水淡景物最繁殊鄉心平望銀魚白盈網
皋亭楊梅紅滿林歸時卸裝東郭裏暇日放鰲西湖陰
他年肯就結鄰約須向桃花多處尋

宿白堍

草草篝燈酒一杯此樓依約舊曾開年來久作江南客
不記停裝第幾回

咳蘭香斷淚紛紜東顧何堪見白雲不憚素車猶遠駕
欲將哀怨訴茅君

病中喜朱文盎至時予將北行

自卸江城一葉裝三旬只臥藥鑪傍何緣今夜詩郎榻
恰對衰年病叟牀酒罷且同開卷帙夢殘重與話家鄉
青門作伴君能否好共羸車犯曉霜

答沈南渟

羊裘狼帽浣京塵屈指投閑待五旬偕住福鄉猶未得

沈郎應笑種桃人

自搖短艇下漁梁門外清溪漱漱長
輪爾九峯歸計早
一枝漁笛老烟鄉

題龔蘅圃倚擔評花圖

嫣紅小白滿雙籃買種山根曲
汴南一一將花定香色
蝶邊題句過春三
短短春衣織藕絲閑情半在倚擔時
侍兒都與花相似
若個先簪最好枝

寄邵柯亭

玉花將發舊苔枝京洛人歸未有期
冷院重尋攜手路
斜陽偏照斷魂時不將家室歸
天姥定有詩篇念袁師

約我鴛鴦湖上住何年真共結茅茨

常熟楊子鶴爲龔蘅圃寫僧裝小影無錫華叟希
逸補二女執花侍左右取色空空色意題曰雙
是圖

衲衣新學小跏趺鑱骨檀身侍兩姝
試令將花散空際
能如迦葉不粘無

題石湖雨泛圖

段家橋口喚輕船掉入斜風細雨邊
不寫湖南山一面
怕令詩筆感當年
香臺僧去酒鑪空只合尊波友釣翁
舊雨繁花沉醉處
藕莊依約斷煙中

自題行脚圖

頭面清癯骨相屯水田衣好稱吾身祇愁不會談公案
何處僧廬著此人

生來行脚愛坡陀肯怕山高水遠何身外不須留長物
破瓢壞笠尚嫌多

悟得前生也是禪碧鷄隱者話因緣草屨只合尋廬嶽
重問山頭種菜田

十五年前客洱海碧鷄山道士謂予前生是廬山種菜僧

長句示遠士

君家茗水邊攘接由拳西爾母我從姑歸迎必相攜少
長依舅氏論姻得鴻妻因舍芙蓉國來住梅花溪與予
小蓬門祇隔蔘蕪隄年時守鄉舍敗壁風淒淒有酒呼

共飲白鹽糝黃蘆出門持饑鉢厭苦輪與蹄負米空歸
來形悴心悲迷徒招庾域鶴不割茅容雞煩爾頻慰勞
屐齒衝苔泥執手話長策迢迢商耕犁結鄰苑三間各
種瓜滿畦開園收芋栗一救兒女啼燈火照夜織聲聲
出寒閨既免凍餒憂肯慕腰金犀暇日約看山到處扶
杖藜得句掃石片名姓同鐫題

淳化關

並轡關門路帘青得酒家壚錢拋數盡牆句醉書斜山
瘦松無翠畦荒菜不花蕭條今似此誰信舊京華

句容

雨暗孤城外遙峯翠藹沉馬疲愁日晚鴈少覓春淡江

香草居集卷五
葦樵人擔山花汲婦簪茅仙祠在眼徒有茹芝心

丹陽

女牆馬首見隔水路還行煙際僧歸寺花間估趁墟郭
門通市小橋塊艤船虛儉歲飢農活高田有荷鋤

毘陵

小泊蘭陵岸晴河一線長郊童挑筍嫩船女膾魚香風
墮何樓笛波鳴別浦榔計程歸錦水猶及餞春陽

無錫

煙檣挂殘月風動五更微客夢還鄉近山歌向曉稀柳
塘連酒肆蒲巷半漁扉認取東峯麓他年買釣磯

龔方伯置酒墨稼軒時陳獨醉藍謝青初至同蘅

圃賦

客從家江來石城繫舴艋主人鑱印牀解榻掃行省特
地早判詞午餘羣吏屏小春暖到樹拓牖見桃杏況復
黃朶鮮老香撲衣領巡擔日纔墮照席燭已秉薑紫調
霜蟹菜綠卷水餅南烹庖隸解丰味類鄉井密坐皆飲
仙量可百楠瘦飛籌無停盞入手不教冷顧我無麩腸
心懾酒律猛沉酒宛錦裯風帽欹詎整喧雞醒醉耳戶
外曉星耿倏忽海霧收砂丸吐遙嶺出郭盡游地舉目
饒詩境官槽多紅鴛曷不聯轡騁

懷沈山子

自課僮耕十畝田古橋村落結廬偏鄰花過屋梢吟袖

香草居集卷五
三
畚水成溪活釣船屐響柴門詩弟子墀開竹墅酒神仙
縑絲徑裏踟躕別惆悵西風又颯然

種梅同蘅圃錫鬯松塍文盜賦

山農移到舊苔枝買種寬閒圃最宜但見香鋤翻瘞地
便添疎影上空籬洗槽先壓花時酒掃壁新鑱月午詩
待得春風破銀萼勾畱應誤客歸期

寄徐子大孝廉

杜魄聲中十日陰峽山鈿翠映堂襟頻招竹屋填詞侶
幾費梅坊取酒金隔浦魚鱗煩寄札入簾螢火照抽琴
葦花渡口分攜處煙驛重重無路尋

與朱文盜話別

秦時鑿長水及仙山橫西丹井封古苔劓藥香鑷攜可
憐十年中兩悼蒙莊妻但有蓬頭兒撈蝦慣浴溪詩鄰
得朱盜越人呼狂謂盜舊闕沙爲隄痛哭十上書不第心淒淒

牀頭三百甕祿料惟酸齏約尋江南山追弔陳梁齊墮
葉如珊瑚亂紅沒霜蹄天闕吾舊游不怕樵徑迷高樓
數落星廢埭聞鳴雞滑紙裁澄心冷瓦磨澄泥互索酒
邊句只憶壠上犁垂老歸未得故園荒茶畦征馬嘶向
人如聽巴猿啼久鰥客爲家無夢尋空閨迢迢京華路
往來同奔犀北裝又迎冬袖鞭拋杖藜歸與徒羨君山
信匆匆題

渡江

香草居集卷五
朝出儀鳳門沿江行七里對面見羣峯舉鞭近可指到
江認煙鬟迢迢隔浦子官津艤大艚語喧綠潮裏載馬
多於人人坐舵樓底是日風正好橫渡帆索理船尾舊
鷗羣船頭新沙背須臾泊山城女牆楚如齒客舍在其
下僕夫弛行李憶昔漢沔歸勞勞行鞅止十載江湖踪
倣裝復來此吾顏非昔顏那堪照江水

滁州

落日滁陽道孤城翠靄中瑯琊高岫冷豐落古亭空五
馬雙吟鬢千秋一醉翁勞勞蹄輻跡憑弔幾人同
南北譙形壯東西路勢連河流煙樹外山遶郭門前過
市求風鯽逢人問釀泉空攜詩屐在一宿又籠鞭

過清流關蘄圃臥輿中未起

關前下馬步玲竚爾閉羸車睡未醒料得江南還入夢
朝眠不暇揖山靈

磨盤山

磨盤行盡更無山沙磧荒涼蔓草間好遣架鷹人縱獵
馬頭生捉兔狐還

臨淮道中

朝日明車幔淒風面面侵寺僧迎碧眼驛吏候紅心
路接濠梁近雲迷淮浦淡塵顏須浣濯小憩想山林

次臨淮念秋錦家兄客濠上路隔一舍嘆相見之

難卻寄此詩

自怪浮踪有底忙天寒匹馬又淮鄉泣看慈母手中線
苦憶賢兄聽雨牀一望濠梁人不見半程雲水地何長
墓田十畝營須早寄與封書淚萬行

明年四月當
爲先慈謀葬

淮鯽歌和龔蘅圃韻

臨淮城邊多老漁船船牽網東西挈紫荇穿腮半青鯽
大者二尺小尺餘亥市數錢不論價寓樓晚飯供庖胥
一尾可飽六七客犀筋不下他肴蔬細數鱗族比肥滑
槎頭縮項鱸堪如停餐陡薄後湖味未須苦憶江南居
昨朝煮蕨大柳店前日買鯉滁陽墟早知前路少此物
肯使南饌盤中虛我來入坐食有魚出門況得雙贏車
主人愛客情最劇無勞撫缺歌欵欵

荒莊遇雪禁用銀玉瓊瑤粉綿鹽絮等字索蘅圃

謝青賦

至後十日初釀雪墨雲不動天湯湯素塵細碎纔屑地
已見積寸茆簷端朔風吹來舞空際點點欲墮還旋盤
忽大如掌馬頭撲或小如蝶懷中攢凍手攬袂不停抖
冷花滾落衣仍乾紅鴛毛卷似縮蝟十里五里行蹣跚
眼底茫茫已無路樵子投斧漁放竿胡爲羈客任飄蕩
征裘著破心含酸縱令妙思壓鄭綮不若僵臥歸袁安
掃除蓬門幾尺雪燃糠煨芋家人歡敲驢暇□溪友約
裝獅戲遣村童搏早梅先吐鬢七出低樓小徑婆娑看
故林空懷那可到千峯萬峯迷噴岼白頭埋翠山亦老

香草居集卷五
與我雙鬢同凋殘猶幸旅次對鄉伴符簷野店齊解鞍
沙餅盪酒敵寒色矮檠燭照清杯寬歐蘇白戰續今夕
敢請詩將登詩壇

宿州

睢陽傳舍駐征車五里城邊古水斜日晚人忙調馬地
天寒門掩賣漿家莎廳雨響無完夢蘆壁燈殘有斷花
如此淒涼慣消受一生強半在天涯

龔石坪先十日行符離橋遇北使得已過荏平消

息

傳語匆匆驛使過知君無恙渡渾河霜橋草店孤眠夜
歸夢應隨去鴈多

北裝先我到江天馬跡相離路一千日日尋君醉題處
但逢酒市便停鞭

桃山驛

符離橋接新豐集疲馬黃昏未放閒路轉人喧燈火亂
可知前驛是桃山

徐州和藍謝青韻

倦馬彭城道衰顏逐隊過煙巒僧寺迥沙岸估櫓多充
甸應寒甚皇州況遠何晚來愁絕處粉堞起吹螺
羣峯圍四野攜手夕陽看河伯靈祠古行人水奠寒天
晴山見樹風定渚迴瀾懷古尋遺跡踟躕共慨嘆

謁漢高帝廟二十韻

赤帝成功驟黃圖卜世長彩雲飛碭縣佳氣亘徐方崛
起羣雄附爭衡一霸強重瞳非敵國隆準是真皇王業
關中固軍容垓下張蕭曹歸駕馭信越歛飛揚偃武娛
長樂酬庸宴未央宸游雲夢返弓墮鼎湖傷原廟衣冠
冷長陵草木荒粉榆今父老伏臘舊蒸嘗遺像千秋祀
高薨十里望彭城雲漠漠濰岸水湯湯還沛鸞旗杳歌
風鳥跡亾舊有蔡邕書歌風碑臺鄰戲馬地劔沒斬蛇鄉古殿門
嘗閉寒爐燼不香麟身銷畫壁蛀粉落雕梁灑掃無宮
監周遮有佛場彩姬雙雉扇玉貌五龍裳豁達真如在
精靈儼激昂布衣瞻拜日鵠立想非常

述懷和龔蘅圃

少壯事遠遊破浪荆門西一出即萬里矜屨誰扶攜不
如施樓人得載青裙妻好事走鬼方輕生涉蠻溪直上
苴蘭城滇池闊無隄熨兒歌采茶厥聲哀以淒蒙縱菜
脆滑絕勝薩波麓望帝苦思蜀鳴蠶多怨齊聽此懷鄉
縣得得馳歸蹄再渡洞庭水回顧妖氛逃戢羽巢故林
鸞鳳化爲雞循垓藝香蘭培以山中泥種水收雕胡閒
殺春田犁樵漁卜新鄰桑柘非舊畦一朝哭慈母感彼
哀烏啼版輿不再御繡佛猶在閨總帳照白柏夜夜如
燃犀可憐手中杖削桐不削藜聊和述懷作搗蘗聯裝

題

渡河有感

昨夢乘星槎直薄崑崙西尋源入天漢錦石懷中攜今
朝渡安瀾仰謝河鼓妻神功思夏后治瀆如治溪所貴
善濬導豈在堅防隄乃役萬柳夫椽杙聲何淒計口官
給錢有飯無羹蓋縣帖紛捉逃南兗連東齊鞭撻苦未
息譬衆驅牛蹄前年遭大決淮北洪濤逃十室九漂沒
不聞犬與雞蛟龍窟原田安問耕拖犁蠲租詔頻下稍
稍治萊畦河官又點行寧顧一路啼要害多戍壘縫旗
勞征閨忽來大府騎紈綺蒙燕犀窮者褐不完凍坐焚
枯蒸哀此中華民顏面同雕題

利國監

舊監何年廢難尋牧馬場棗林沉日色茆屋帶星光今

夜眠須早明朝路更長聞雞牽轡出行怯一天霜

兗州書懷得九言十七韻

李子渡江北嚮行十日始到東魯門外停征驂延袤沃
壤直接海岱境投策走上百尺城樓撥春秋蒲穀之國
地相錯郡領二十有七古子男上分奎星婁星照其野
下遶汶水泗水澄如潭眼底亂山老雪封遠樹彷彿玉
花齊發香鬢含龜蒙鳧繹但可以意度那見斷崖陡障
浮煙嵐凝想當年海上釣鰲客曾著角巾野服堯祠南
我復來尋白也醉吟處且脫破裘換酒壚頭酣土酥羹
攬片片魯耳滑山栗果配顛顛哀黎甘晚風漸緊亂翻
戟帶赤斜陽倏忽流照弓衣藍視此健兒躍馬好身手

一一勇堪殺賊射中函灌畦種水自笑益飢困悔不少
小投石而持鋏於今歲過四十壯心老霜絲如雪戀頂
垂鬢鬢乃欲偃僂局促長安道逢迎金張許史何能諳
祇恨雪堂一倒不再築世間更有何地容巢三行將餐
松辟穀學輕舉手馭天邊一鶴尋蘇耽

東灘早行

登程太早馬凌兢村遠誰沽酒一升殘雪照人山不斷
荒郵報夜鼓無憑勞身強起頻呵手倦眼難醒想曲肱
南客相逢笑竒事領髭片片有寒冰

汶上謠

暮次汶上縣縣令聲頗濁朝看白簡彈暮奪銅印握堂
堂百里長徒步舍車幄芻撥及胥吏亦封銀鐺捉觀者
塞路衢舉手相賀數令在聞哭聲令去見張樂貪夫宰
巖邑驅虎副以角竭力媡上官如虎又懼駁巨口吸民
膏寧顧冥冥覺今年大考績彌天覲方岳齊魯百餘城
幾人果循卓墨綬獨爾褫豈惟中謠詠嗟哉今何愚固
位術未學

輿中對月

昏沙如雪復如煙入夜猶飛轡轆邊待下羶帷避風色
照人無奈月娟娟

河間用龔蘅圃寄朱文盎韻呈都門舊識

昔遊高視復闊步青鬢朱顏未遲暮雖策款段長安街

野性仍如故溪鷺往往徬遭侍史笈貴人酒筵有韋布
是時國門議伐叛最無用是酸寒句捷書一奏西南平
捆載腥刀封武庫詩肩賦手承明趨同學俱棲上林樹
吳儂華髮還復來十丈塵中攜臥具飛揚跋扈非往年
踏冰冒雪心頗懼明當小詰草堂資買山可採水可捕
幾人改銜居外僚幾人請假歸舊圃金門更數偷桃臣
到日誰畱我馬駐今朝且拔矢房鏃一射山頭雪色兔
河間王姪當塲壚沽飲西風夕陽路

過任邱縣懷龐雪崖檢討

煙波穩泛釣魚船不分征驂又赴燕仙里停裝三作客
帝城分手七經年浮沉鴈足新書札想像松根舊別筵
明日尋君五雲裏金魚須換酒如泉

趙北口

綠楊樹下記垂鞭朱板春橋遠接連行子鄉心流水外
斷菟詩句夕陽邊重經嘶過蕭蕭馬不見撐來短短船
一片枯蘆殘雪裏舊蹤今跡總淒然

詠羸車

眠輿六尺長細劈黃篾做織蘆頂彎環裁杉底柔悞約
比筠牀輕量較檀龕大精選雙羸扛差勝兩夫荷互郎
議書券催直倍載貨低首褰簾帷盤膝倚包裹頗似老
衲參又若新婦坐避彼雨與風容我病且情傷有圍人
驅時作醉尉呵或後搗策隨或前引韉拖下坂愁傾危

入市懾疾過扉擺屈戌脫窗擊側理破轉側不暫寧偃
仰詎能臥如駕小牒歌一任高浪簸目昏五色花頭眩
百轉磨唾想玉壺攜飲怕錦茵澆露筍伊啞鳴風鐸郎
當和日久乃安然道遠亦無那況得蔽雪霜更不蹶坎
坳穩達北平遙實藉西產佐麟臆未足誇龍芻豈憚剉
塗車以鳳膠舉觴還自賀

書懷和龔蘅圃用放翁韻

並轡青門歲已殘歡游只話舊長干酒壚滿地飄零易
短褐逢人語笑難鏡裏頓憐雙鬢改今年初見白髮橐中并少
一錢看饑驅三渡盧溝水跋扈飛揚意轉闌
朔塵點點浣山衣寒峭難禁雪又飛雞骨不堪徒步出

鷗心終想刺船歸踏冰砂磧情無賴種水煙鄉意重違
蓬戶梅花三兩樹一庭疎影近誰依

重九前一日徐勝力檢討招飲

芸省人書折札呼秋筵密坐半枌榆會甚更約新詩侶
並轡難忘舊酒壚醉手簪花羞鬢髮鄉心隨鴈入江湖
軟紅塵外饒山色明日登高興有無

爲沈融谷題茶星閣

沈郎嗜茶有竒癖柘西小閣顏茶星社前新芽手煎煮
林間日日炊煙青自從繫馬雙臺宅龍井鴉山總難得
何當軍將來打門箚封傳送青門客我亦茶仙非酒仙
經年消渴愁未痊只思椀底傾如雪不愛壚頭瀉似泉

香草居集卷五
忽憶苔南逢穀雨春風開園見村女采殘紫筍鉤籃歸
兩兩青裙隔溪語似此樂事須還家君行且種河陽花
他時寄載一車去索取琴邊歌鬪茶

閻伯詩人日招集碧山草堂時令嗣復申從山右
至

河東劉墮酒攜到劔門來人日調蘭膳賓筵勸竹杯真
稱賢父子況住好亭臺似此春盤會須教盡醉回

送補山族叔南歸

滿湖春水挂歸帆不使黃塵浣客衫閒向長安看碁局
何如故國掃雲巖舟中未得隨宗炳竹裏應知憶阮咸
最好還家桃李月草堂花發燕呢喃

燕京踏燈詞和沈南疑韻

月地紛紛馬上郎引來燈隊鬧閒坊柳金抹額燕姬出
了烏都教鎖炕房

靈祐宮前竹結棚燒珠百樣手難擎點殘葦蠟招人買
不管天街報二更

砑光宮袖奪鴉翎不坐羶車與繡鞦慣看拉花人擊鼓
羊皮湯鐵不銷釘

寒輕不用著重貂小巷長衢雪易消最好春明少春雨
燈時都是可憐宵

錦鞦羅襪走橋迴結伴還家攬鏡臺重擺春盤開煮雪
涼糕傳送酒邊來

前門人海接天壇誰怕籠街過熱官看放新番煙火盒
露花滿地不知寒

題南疑詞卷

瘦腰人似柳風流絡酒囊琴一葉舟白石閒情玉田趣
醉毫題徧弄珠樓

銀沫香皮各樣牋江南塞北早流傳何當更倩重蓮手
譜入檀槽金縷絃

題高澹人江村垂釣圖

垂垂瑣柳拂宮衣寓直何曾離北扉歸狎鷗叢知未得
且從畫裏坐漁磯

題秋錦兄賸舫兼示元汎姪

揮盡江湖雇直錢歸來賸有屋如船任他拍岸風波到
不用回頭喚長年

小徑榛蕪次第芟扉窗隔水見楓杉筆牀研几安排了
可喜能詩有阿咸

一葉隨波下釣絲天涯空負十年期斷應結個茆齋並
重續雙船聽雨詩

癸丑秋同兄行沅江道中予有雙船聽雨當聯牀之句

初冬將適桂林道經長沙喜晤程南陔先生琴鶴

堂率賦誌別

長沙十月尚如秋魚美秔香足滯畱莫爲憂生頻弔屈
得逢知己且依劉駐顏不用尋丹鼎娛老唯應倒玉舟
試問西南舊相識幾人遠害返林邱

香草居集卷五
暫駐征鞍喜對君客中清話到宵分不眠醉舞月中起
乘興放歌天際聞白菊花前同惜別黃茅瘴底獨離羣
茫茫五管蠻山路從此相思日暮雲

早春對雪

湯天花細碎點地絮輕盈遠樹渾無影枯籬忽有聲已
迷沽酒路空抱訪梅情況復鄉園杳孤舟未可行
城郭微茫裏登樓四望勻寒淡仍似臘江畔未知春豪
席鳧花煖高軒鶴斲新豈無僵臥者開徑是何人

徐秋田新居

滿川暗葦鷺鷗俱好境無如此一隅屋在水聲林影外
開門儼對范寬圖

編槿結籬分小墩栽梅種竹灌流泉請君更插浴隄柳
待我長來繫釣船

仲春花南小酌和陳書崖韻

春雨春蔬儉不華相邀裙屐到貧家蓬門揖客新除草
瓷椀畱君舊餉茶是夜煮茗即書崖所惠素影尚圓今夜月暗香
纔發去年葩朝來更喜貽佳句一幅雲藍墨浪斜

題林逸莘垂釣圖

玄真子後無漁叟荒了煙波幾百年忽訝畫中看釣隱
妒他白眼傲江天
稱身校衲儼漁翁六尺絲竿一箬篷還少檣頭船一隻
月明高枕荻花中

浦口

五年三度浦城來無恙溪山對酒杯不爲荔枝風味好
誰能重問越王臺

香草居集卷五終

曾姪孫集編錄

後學金

壽彭

校字

未邊詞原序

填詞雖小技實應風雅其雄淡而樸直者漢魏之餘乎
駢麗而尖新者六朝之餘乎春容綿邈矜奇而刻削者
三唐兩宋之餘乎自後主以下至秦柳蘇黃諸大家而
盡態極妍之體始備今分虎以組織之良才爲柔曼之
聲調宜其與六朝近而與漢魏三唐稍遠乃遍閱諸調
中忽忽各有所遇又何該洽而弘長也說者謂言短意
長則小令難鋪張揚厲而絕無補綴則長調難帙中如
浣溪紗怨王孫武陵春等製非小令之當行乎小諾臯
多麗解連環諸什非長調之工妙乎至鶯啼序一闕則
又三峽哀猿聞者酸鼻老懷作惡痛當何如甚矣聲音

之道能感頑艷不獨山陽之笛雍門之琴使人霑淚難收也閱之次日心寬稍定爰題數語以述其梗槩也

昔丙辰七夕後一日半完圃老人序

往在都門與武曾論詞必以少游美成爲當行家然竊謂閨閣脂粉氣太勝如東坡稼軒所作雖非詞人本色然猶不失英雄面目也四家詞原未可優劣今讀分虎近製超然自得干涉時谿其原始出坡老桐絲筠管不同器同於悅耳山珍海錯不同味同於飫口武曾分虎之詞雖其派各異然不謂之競爽不可也

堯峯弟汪琬

余家瀕海之鄉椎魯少文比學爲填詞發音輒愴鄙不可耐正如扣缶擊鼙其聲嗚嗚斷不能擁鼻作一情語方自厭之每思曰此豈才有所限邪抑求之而未得其道也丙辰冬分虎自南來見示未邊新製其溫麗者真可分周柳之席而入花間之室即間作辛陸體而和平大雅亦不至於鐵將軍銅綽板余曰道在是矣持此以往雖上掩昔人可也因題數語歸之且以志余愧云

北海弟曹貞吉

香草居集目錄下

第六卷 詞一

調笑令

河滿子 經阮司馬故宅

浪淘沙慢 送陳康侯入楚

洞仙歌 索高二鮑畫半完圍讀書圖寄壽外父

巫山一段雲 西湖感舊

洞仙歌 尋沈耕閒不遇

綺羅香 春遊 齊天樂 苔南道中

明月掉孤舟 送周幹夫之包山

祝英臺近 燒香詞 又

又

又

又

又

洞仙歌

題陳其年填詞圖

八歸

同周簞谷查聲山集龔蘅圃玉玲瓏閣

摸魚兒

吳清峙屬題秋圃歸帆圖

淒涼犯

八測晚泊

永遇樂

詠雲

又

平山堂寫懷

玉漏遲

閻再彭置酒黃副使園

徵招

四從祖席上

瑤花慢

題徐皆山丈演溪詞卷後

天香

龍涎香

摸魚兒

尊

江城子

毘陵道中簡丁舍人

解連環

句曲客夜

繡帶兒

書帶鳥

釵頭鳳

收香鳥

一翦梅

題紅藕莊詞

玲瓏四犯

墨紗燈

小桃紅

送獨醉先生歸錢唐

又

又

又

雲仙引

同趙恒夫農部宿虎邱萃勝閣

揚州慢

廣陵對月

澹黃柳

重經秦郵酒家

百字令

初度日自贈

摸魚兒

懷朱錫鬯即用錫鬯寄蘅圃韻

兩同心

相思鳥

金縷曲

簡查聲山

女冠子

燈市用蔣竹山韻

瑞鶴仙

瞻園席上呈曹倦圃夫子

鶯啼序

酬蘅圃見贈次原韻

玲瓏四犯

墨紗燈

小桃紅

送獨醉先生歸錢唐

離亭怨 寒食別謝青

摘紅英 春兩惜花

瑤華 玉繡毬

大酺 上已趙農部招遊清涼寺訪百歲翁子未

及赴東寄此詞

滿江紅 為周雪客題畫冊

綺羅香 和蘅圃共築題壁

洞仙歌 瞻園贈愈邵 月下笛 寄懷沈融谷

應天長 題陳鷗客桐窗讀書圖

好事近 題畫 梅子黃時雨 五月三日蘅圃初度賦 葛

蒲為壽

釵頭鳳 題盛奕雲城南小

琵琶仙 渡太湖

小諾皋 解嘲

怨王孫 京口渡瓜州

多麗 揚州

白宁 謝汪舟次惠詩筴及山聞詩

浪淘沙 真州夜泊 夜行船 由魯港至三山夾從蘆葦行二十里

洞仙歌 望九華山 水調歌頭 同斯年家兄夜話

簇水 銅陵客舍對雨 風入松 陵陽山中

醉太平 再宿紫竹阿 鶯啼序 蕪湖舟次值內子忌辰感述

沁園春 寄程穆倩 醉江月 送孫無言歸黃山用曹學士韻

少年游 吳江道中 醉蓬萊 八月十七夜同家兄過周白門齋徐

序仔錢尋干亦至

第七卷 詞二

南浦 春水用玉田詞韻同融谷賦

又 秋水用碧山樂府韻同蘅圃賦

疎影 帆影 暗香 華希逸寫焚香圖見

雨中花慢 題聽雨圖

漁家傲 題李晴草柳陰漁父圖

看嫵 調謾苑納姬

夏初臨 與石坪別

平湖樂 題宋何閣長魚藻圖

漁父詞 題項叟畫

夢橫塘 簡管谷

壽樓春 送鷗客南歸

消息 聞伯兄避暑山中

摸魚兒 同蘅圃納涼

好女兒 集侍兒小名

玉京秋 竹垞書至言覃九近寓高澹人宅因寄此詞兼懷澹人

秋思耗 得秋錦家兄都下書

惜紅衣 和家兄賦荷花紫草

露華 和竹垞賦水蓼
玉女搖仙佩 螺屏

解語花 黃葵
國香 木香

夢橫塘 菱

傾杯樂 黃雀

桂枝香 蟹

花犯 八月聞鶯值海棠復開

摸魚兒 寄二觀

釣船笛 效朱希真漁父詞

又

又

又

又

又

又

又

又

唐多令 題扇畫

荷葉杯

桂殿秋

柳梢青 和沈山子西湖後游

生查子

西江月 悼往

無悶 酬查德尹

憶舊游 遠士表弟書至并寄新詞作報札竟

更賦此詞兼詢不為

南歌子 集調名

河傳 再集調名

御街行 送徐健菴編修入都

高陽臺 寄勝力

簇水 紅葉

小重山 盆景

一痕沙 秦淮酒樓

霜葉飛 愈邵雪客索重九詞同蘅圃賦答

豐樂樓 己酉春溯江西上省枕石頭城下遇屈翁山至自秦車載內子華姜歸羅浮別且十年今己未秋子再客秣陵翁山復攜家來此慰勞猶昔但聞中人已非華姜矣萍踪乍聚翁山又買騎北行悵然賦送

又買騎北行悵然賦送

高陽臺 登樓

百字令 為遠士戒奕

金縷歌 登道場山絕頂

洞仙歌 題畫

又 九日酬別邵亦同

香草居集卷六

嘉興 李 符 分虎

未邊詞

調笑令

相見青陽店賣扇留郎兼賣篔扇中描得桃花面篔擘
桃枝如線載歸付與香兒看銷夏荷亭方便

河滿子 經阮司馬故宅

慘澹君王去國風流司馬無家歌扇舞衣行樂地祇餘
衰柳棲鴉贏得名傳樂部春燈燕子桃花

浪淘沙慢 送陳康侯入楚

帝城外晴雲出岫好鳥遷樹鳴馬蕭蕭不住征人黯黯

香草居集卷六
一
欲去著從事青衫芳草妬入蓮幕遠向南楚數驛翠亭
紅幾千里迢遙武昌路 江渚舊遊挂席曾渡正大別
山前濃花發載酒春未暮思魚美杭香不異吾土三年
夢苦聞洞庭戰艦猶喧鉦鼓 君到時盾磨鞍據銷燧
燧競傳露布寒食後衡陽歸鴈度客燕市我尚飄零儻
相憶題箋還寄分攜處

洞仙歌

索高二鮑畫半完圃讀書圖寄壽外父兼
邀公卓尋千共和

高三十五點染園林妥鴨脚鷄腔海雲鎖抱青溪宛轉
畧約橫隄通小築中有詩翁高臥 黃門遺玉架籤軸
紛紛長向西堂撥書坐酒瀉月波香杉火銷鐺正花影
一簾移過為寄語蘭陔綵衣人展圖畫尊前倚聲須和

巫山一段雲

西湖感舊

廢苑蒼苔裏殘山白骨邊舊遊如夢總淒然況是晚秋
天 壚散紅腰女空攜買酒錢葑灣細火自年年只有
捕魚船

洞仙歌

尋沈耕閒不遇

水村野渡見白鷗眠冷茅屋無人掩苔徑共爭棋賭酒
聽雨燒燈當年事歷歷歡遊重省 山翁鋤菜了何處
行吟不管漁郎棹孤艇扉喚小童開借枕藤窗纔午夢
亂禽啼醒為畱客消閑有梅花任一抹斜陽樹頭催暝

綺羅香

春遊

屏山翠遠鏡檻紅深好在一旬無雨結伴攜筇愛煞踏

香草居集卷六
青柔路正花底夢蝶飛來又溪上盟鷗招去隔垂楊水
曲橋橫晴絲引入斷鳧處 畫樓誰弄鳳竹礙閒雲一
朶欲飛還住幾樹斜陽啼過亂鶯無數最難禁片霎歡
遊重喚起那回愁緒待重尋含笑桃門冷煙迷斷浦

齊天樂

茗南道中

野塘水漫菰城路曉來載詩移艦柳暉汀荒邱遲宅壤
急雨鳴蓑千點綠蕪如染映翠藻參差鶉鷓能占沽酒
何村花明獨樹小橋店 昔遊如昨日耳記深深院宇
綺羅春豔粧閣懸蛛舞衫化蝶滿目繇華都減溼雲乍
歛露浮玉遙峯相看無厭漁唱滄浪荻根燈又閃

明月棹孤舟

送周幹夫之包山

采藥名山移棹去竟不待石郵風住縹緲無雙洞天第
九真勝一拳秦駐 帶水頻年離別苦況千里具區濤
怒角里村溪毛公壇冷從此是相思路

祝英臺近

燒香詞

換衣裳勻粉黛兩漿畫船載衆裏關心芳草渡頭待珠
宮片刻同行殼儂龜斷況對佛並肩齊拜 石欄外掩
卻方麴迴身不分見伊再替折花枝流盼未曾怪只愁
津鼓催歸絲絲須結網住這西施長在

又

紫荷田青柘路目送折腰步燒過爐香欲別又還住曲
廊買得泥孩旋呼小玉畱付與夜燈兒女 幾迴顧人

香草居集卷六
影歸綠楊中鬢膩惹香絮溪轉橋橫青雀舫無數重簾
似隔天涯誰傳消息三十六鴛鴦飛去

又

覆蘭雲垂寶絡全護玉樓削姊妹雙行只合鎖銅雀爲
伊猜徧芳年笙簧箏柱漸數到月明圓卻 翦羅薄齊
著杏子單衫兩美尹邗若湖隔東西記取問粧閣杜郎
他日重尋花時須早莫惆悵綠陰如幄

又

鏡中人花外影乍見眼波凝書屋粧樓同對碧梧井三
年窺宋登垣何曾私語真不料相逢山徑 雀離頂憑
仗金粟如來行坐許教並酥手偷攜暗解玉彊贈小姑

只是隨身牽衣又去恨密約依然難訂

又

禮金仙皈大士小字寫幡尾對五銖衣暗裏訴心事多
應嫁了盧郎女兒花佩願抱箇阿侯懷裏 整圓髻纔
過青石巖扉又見鴨桃底忽上鐘樓窈窕半空倚吮毫
好倩童孃蟬紗寫照與楚館行雲相似

又

鵲聲乾鶯語囀紅雨灑千片不坐鈿轅不障合歡扇分
明要使人看如何歸舫把雲母橫窗遮徧 碧河淺輸
與掠水絲禽鷁首慣偷眼懊惱吳儂柔櫓疾於箭借他
角觝春哥鳧車相傍又引露女銀嬌面

又

蕙香幃芝草洞佛席拗花供袖捲紅綃雙約腕闌重可
人一翦輕風春寒料峭添半臂滿身飛鳳色殊衆假
若攜住秦臺定愛玉簫弄墨畫畱仙微帶襪塵動見時
雙笑含情何年相識是秣馬芝田曾夢

又

綵雲隨紅袖遶油碧覆車小一簇衣香日午鴈堂到侍
兒持送圓冰錦幃低捲傷畫棟鬢雲斜照黛誰掃夫
婿三十中郎走馬洛陽道辜負蘭閨書寄紫鸞香即看
絕世無雙迴文不織也應遣陽臺歸了

又

築歌臺垂酒幔長在暮春半金屋人歸繫艇綠蕪岸迎
神一部西廂分明聽說看過了佳期纔返隔花見近
水紗碧如煙隱隱玉釵粲猜謎投瓊纖手戲青案正聞
負釜槐陰提壺柳浪泥滑滑數聲催散

又

禁煙過過修禊又日暖艷陽晝梅雨新晴浴佛好時候記
曾草鬪連枝蘭貽並蒂又看摘合昏簪首採桑後金
琅璫鎖香林階面綠苔繡紅粉銷殘冷淡一行柳年年
峽石山頭曹王祠下但贏得相思腰痠

洞仙歌

題陳其年填詞圖

填詞老手筆非秋垂露髯也風流玉田侶把金看小硯

付與紅兒攜教坐長在國山青處
烏絲欄乍展迴顧
桃鬟寫出花間斷
菟兔焦葉當輕茵
聽譜參差纖指下
纏綿如訴千二百輕鸞
定飛來須挽住
榴裙莫教乘去

八歸

同周管谷查聲山集龔蘅圃玉玲瓏閣

門臨水市樓觀海日西風搖落江柳無端泛梗錢塘路
不分仙郎宅裏乍逢良友除卻書牀拈賦筆有何事可
消清晝只愁對賸水殘山歷歷在簷牖
怪爾輕裝短棹行歌並發已過秋香時候高峯南北橫橋十二更問
黃花開否把蕉筒檢點明日還期載尊酒譜新聲須尋
綵妓付與檀槽聽伊調素手

摸魚兒

吳清峙屬題秋圃歸帆圖

鏡奩中白蘋風起扁舟乘興容與卞峯未抵皋亭好便
挂歸帆南浦朝至暮聽兩岸蕭蕭一派秋聲去貪看雲
樹任倚榜沉吟推篷欵坐收拾眼前句
閑情好寂寞誰爲伴侶漫尋沙嘴鷗鷺有人更在煙波外欲向畫中
呼汝畱且住同泛入蘆花野館橋橫處銜杯共語怕索
米長安馬頭鞭影催別短亭路

清峙將入都

淒涼犯

八測晚泊

蒲荒菰冷吳淞路日沉遠浦雲黑今宵最苦鄉城未遠
已同行客江清八測又從此籤程第一料馮尺還應笑
我歲歲挂帆席
忽灑霏靈雨漸引新愁起拋吟筆翠
尊縱在怎能消此時岑寂況見燈昏便想到鴛樓錦瑟

香草居集卷六
六
艤扁舟漫近戍柝怕聽得

雲仙引 同趙恒夫農部宿虎邱萃勝閣

短簿祠空生公石冷十年今日重登山依舊路分明驚
心又添臺榭難覓真孃墓草青愁倚夕陽鴈繩風墮螺
髻煙凝 郎官載酒如澗向剩菊殘楓翦夜燈吳舫稀
時偏畱雙屐別有閑情醉後貪眠窗明塔火僧磬催詩
枕畔清今宵佳處閭亭人散絃索無聲

永遇樂 詠雲

抱月無心隨風有態裊裊低墮簫歇秦臺篔分楚館畱
得影婀娜嬌鬟梳掠舞衫裁翦都學魚天晴朶更畫入
屏山幾曲氤氳夜燈窗戶 曉樓開處慣侵簾額繚亂

香篆百和蝶徑尋鈿鶯隄鬪草引傍茜裙躡有時遮斷
玉驄歸路料得翠睂雙鎖漫更挂虬檐銀線攪伊夢破

揚州慢 廣陵驛舍對月

老柳梳煙寒蘆載雪江城物候秋淡怨金河叫鴈斷續
和疎砧記前度邗溝繫纜征衫又破愁到如今悵無眠
伴我淒涼月在牆陰 竹西歌吹甚聽來都換笳音料
鎖篋攜香籠燈照馬翠館難尋淮海風流秦七今宵在
夢更傷心有燕犀屯處明朝莫去登臨

又 平山堂寫懷

隋苑荒涼蜀岡逶邈引入幾點疎鐘遶堂前好景都借
隔江峯醉翁後誰爲種柳眼邊空闊狂殺西風是何村

香草居集卷六
老樹霜凋忽墮輕紅 揮毫萬字定沉埋蔓草煙中但有地登臨便攜柔屐莫問西東況去吾廬未遠紅橋路不算萍踪奈方淮還遠榜人催上烏篷

澹黃柳

重經秦郵酒家

孤城煙暝點點歸鴉小試覓當壚拚醉倒認得後門籬落曾繫青騾飼霜草 艤蘭櫂燈挂檣竿早傍垂柳數株掃與勞人顏色同枯槁柳待春風綠陰還有人苦新年更老

玉漏遲

閩再彭置酒黃副使園

小春方半也山亭欄檻霜花殘也蒿酒如泉攜自眷西堂也簾外一丸冷月正今夕十分圓也風定也除聽新

鴈別無聲也

主人絕類逋仙展疎影離離婁梅圖也

賦筆誰工四坐盡能詩也客散清暉滿袖秉檠燭不須燒也俱醉也騎馬似乘船也

再彭自晉遷淮故堂名眷西是夕出婁梅圖索題

徵招

四從祖席上

隔溪相喚辛盤會蕭齋夕陽催暮如此可憐宵況詩人相聚甕開新下若盡滿引翠濤香注近水聞喧紅燈齊點一街簫鼓 嬾傍畫樓看都不是昨日少年情緒只有月娟娟最銷人覓處飄零關塞久須珍重此筵題句記梅邊別到如今又兩番花吐

百字令

初度日自贈

月波樓外有吳儂被褐舊鄉慵住督亢昆明遊歷歷更

香草居集卷六
走東齊西楚疊錦翻鴻鍍環刻鳳笈擲當壚女春塲盤
馬朔蓬曾射驕兔誰料露枕風鞭舊顏憔悴容易傷
遲暮涉獵文詞終小技一任硯塵書蠹犬子呼兒桃根
作婦願載扁舟去五湖三泖翠竿長釣煙浦

瑤花慢

題徐皆山丈演溪詞卷後

石麟墮地彩鳳名鄉擷芳蘭爲佩茶煙千縷香一瓣除
卻填詞無事練裙紈扇到處有柳情周思傍柴門小小
清溪不穀硯池添水庾郎蕭瑟平生歆絮帽花間亂
髮垂耳呼盧買笑如昨日老去情懷非是狂歌酒後長
譜入玉簫聲裏倚屏風紅豆拋殘贏得纖蔥偷記

天香

龍涎香

星挂浮槎珠掇遠鳥蟠螭碎沫輕杵旋裏鮫綃試溫鳳
炭心字氤氳千縷輸他睡鴨頻覷著剝蔥添炷雨暗恐
來鱗爪東風莫吹煙去凭肩小窗月午記濃熏隔花
迷霧袖惹餘馨銷盡又增愁緒夢入鈿牀尋覓空贏得
韓郎斷腸句嚙鎖金蟾知拋甚處

水龍吟

白蓮

天孫織就輕綃問誰翦綴銀塘冷玉容倚翠芳心抱苦
半池開並水染成香月溶無色夜來難認便湔裙人到
雙垂皓腕也應妒冰姿瑩忽見萍分波淨滿秋奩倒
窺粧鏡祇須分付粉兒捧酒雪兒搖艇采貯玻璃倩描
雲母北窗消領怨涼颼乍卷碎瓊收拾賸田田影

摸魚兒蕙

望滄浪翠痕涼浸絲絲似結連理并刀翦煮凝脂滑載
酒有人同醉成底事笑不爲浮名也誤投竿計冷楓十
里想漁市千家紅鹽糝碧羹熟飯雲子 歌撓動長在
白蘋開際筠籠爭涉煙水舊遊更憶西泠路三月青青
如此論俊味又何待香鱸亭畔秋風起年來正擬駕小
小沙棠兩鄉泛宅日采鏡奩裏

齊天樂蟬

薰風池館啼鶻歇綠窗夢驚嘶早飲露高懷迎秋斷響
相和中郎淒調銀牀徑悄漸飛過桐陰又鳴殘照聽一
聲聲齊宮舊恨幾時了 翦開緬蟲翠羽向美人霧鬢

持比差小纖翅無多哀音最苦消得幾回昏曉酸風乍
到卷萬片霜紅蛻痕俱掃畱畫粧樓雀邊看去好畫史陸揆
微謝雉俱有蟬雀圖

江城子毘陵道中簡丁舍人

莎城一片碧粘天上由拳望吳關最憶落梅風裏染華
牋三十六鱗遲未寄披被初不曾閑 天涯離夢又新
年泛春船夕陽山最憶花驄何日向長安鴛掖階通仙
署近應早去采紅蘭

解連環

句曲客夜寄答里門諸故舊

草草南浦最難堪又別舊鄉儔侶共攀摘岸柳相貽聽
吹入玉龍斷翫如訴水市橫橋原不是短長亭路甚沙

香草月集卷六
邊一舸歲歲逢春便載愁去 煙郵倚篷暗數更馬頭
新月山縣須住念故國如此良宵有詩叟詞仙坐醉花
圃吟榻燈殘正客夢欲來尋處奈衾寒酒醒風刀不眠
更苦

摸魚兒

懷朱錫鬯即用錫鬯寄蘅圃韻

竹垞中詞人應 詔囊琴挂壁誰撫流脂河采香蕖別
又聽杏花春雨傳樂府不信道徵君仍擬樵歌句軟輪
且住待內藥鶯啼銅樓步緩好對白麟去 耕煙壠獨
樹仍棲倦羽裁書遲付鴻距山裝忽卸烏衣巷北眺盧
龍延竚官舍暮喜玉版銀刀羹滑拈雙筍春寒擁絮早
尋徧瞻園青油舊幕草檄翦燈處

繡帶兒

書帶鳥

春穀喚春禽暖玉掌中身越疊裁成雙尾須避雪衣嗔
飛近淺粧人奈不綰書寄殷勤黛痕微認分明付與
一縷香雲

兩同心

相思鳥

珍禽小小銜羽輕飛猜應是青陵香魄看較淺碧樹金
衣春山路私語啾啾生怕分離 正好玉鑲籠攜留伴
妝眷近圓冰最憐交影拈綵線慵繡雙棲空惹起獨坐
蘭閨一段相思

釵頭鳳

收香鳥一名桐華鳳

方山鳥紅衿小低飛忽坐釵頭巧佳人畔窺爐篆葳蕤

香草居集卷六
心字被偷多半幻幻幻 簾櫳梢蘭缸照倒垂香翅煙
重裊褰羅幔桐花喚瓊篝銷燼把雕籠換慣慣慣

金縷曲 簡查聲山

凍竹棲山雀記寒宵船艤松灣一燈紅閣雪點茸裘蝦
頭泛別酒我疇君醉便從此揮撈去郭龔五重逢邀笛
步話查生才調相思各聽春雨意蕭索 官樓望遠情
殊昨怨青青不知何樹又遮牆角給事西莊浮雲外憶
爾婆娑行藥誰得似杜門述作往日尋詩沽酒處數聞
琴鴈齒還依約夢去也燭花落

一翦梅

題紅藕莊詞

香滿闌干倚玉卮硯洗紅絲箋襞烏絲吟情多在斷鳧

時柳暗鶯啼花老鶻啼 歌館芳遊綵扇題箏按燕姬
簫譜吳姬江南江北總相思說藕莊詞似草窗詞

女冠子

燈市用蔣竹山韻

飭簫吹也秣陵風景難畫銀花相望一城如畫閒卻秦
淮冷丸飛射護春簾早挂睂嫵暗垂羅袖紫姑迎夜上
元時多少舊曲畱與踏歌人耍 細腰鼓學花奴打散
落梅千點一任東風借燭殘堆池問翠館幾處倚香題
帕短牆青粉砌六院往時佳麗祗餘情話怕歡遊生感
綵珠休照舊勾欄下

玲瓏四犯

咏墨紗燈

誰擘珊瑚嵌幾幅蟬紗向玳梁挂淡墨輕勻籠住燭花

紅射黯黯片鏡無光偏照出粉粧姚冶似朦朧蟾彩凝
煙真有藥娥飛下 更看面面花枝好訝雙蕖亂開春
夜依稀四角懸針字猜謎消瓊竿蛾綠忽倚玉屏萋苗
指眼波微瀉露月華裙子一般顏色鬪他圖畫

瑞鶴仙 瞻園席上呈倦圃夫子

去年林雪霽著綠齒從遊錦苔冰細松關又淡閉轉雷
塘艘艤秣陵重繫花前鴈底話家鄉羊燈影裏駐容顏
不用砂牀到處便縈詩思 須記堯賓舊集箕穎新詞
滿人間世門如霧市香風外藍輿舛勸酒瓢硯匣登臨
及早看徧江南山水怕燕宮最念司農紫泥又至

鶯啼序

酬蘅圃見贈次原韻

年時潞河話別立垂楊影裏聽風鐸催上狨轡聞君旋
束行李著綵袖將車白下後先野店同沽醉愛尊香鱸
雪歸尋五里煙市 誰道仙郎畫舸遠泛枉吾廬更易
恨未得掃葉蓬門綠蓑偏釣雪水但幽尋竹垞小徑剩
花礎秋燈紅淚最相思縫月裁雲酒邊題紙 雙橋小
艇重訪新居在木奴香際傷斷浦冷波一宿篷底星飯
便到西泠近如鄰里雪醅換盞夜闌起舞玉玲瓏閣銷
憂處渾不知攬鏡形憔悴揮襟兩月手牋付與青禽還
期挂席鴻底 樓連十四零落秦淮囑歌撓莫艤只合
向官衙相對況有故王臺榭堪登杏將開矣松窗解榻
竟忘寢寐粉闌且未分赤管儘憑欄攜手看朝霽近來

添得吟情蘿帶榆錢半簾壓翠

小桃紅 送獨醉先生歸錢唐

薇省閑庭院吟屐多尋徧雙鶴飛來雪衣如鬢登臨偏
健數春花纔到五株桃已新詞成卷 艇子江頭喚別
酒杯中勸聞道幽居軒窗開處越山都見待歸時一棹
訪詩翁話鎖瀾橋畔

離亭燕 寒食別藍謝青

最恨勞勞亭柳不綰玉驄嘶驟第十九番風信早奈向
花時分手湖畔采香萼輸爾晚春消受 燕子定巢依
舊應訝歸來吟瘦錦箴新攜長短句付與小紅歌袖儻
憶送行人更賦望江南否

摘紅英 春雨惜花

鴛衾冷春眠醒溫磨爐火銷金餅簷聲細添愁思料得
煙梢都無香氣 粧樓凭鈎簾聽暗傾一地臙脂凝迴
心髻簪花未怪他紫燕銜來紅碎

瑤花 玉繡毬

藥珠翠結密簇柔梢細看來疑葉花師昨夜都咒變春
暖忽堆晴雪弄簫人去還畱得女銀香潔料蕃釐舊觀
開時無此碎瓊稠疊 分明似玉玲瓏但綵線同心猶
未穿揭團團素影渾不見粉樣幾雙棲蝶良宵十五映
天上纖阿宮闕傍清池照水俱圓難認一丸真月

大酺

上巳趙農部招遊清涼寺訪百歲翁予未及
赴東寄此詞

香奩集卷六
向石城遊蒲帆卸倚樓人已先在柳風吹杏雨又茶蘼
初綻最思良會上已攜尊招遊佛席惆悵未隨輕蓋紛
紛過裙屐覓吳姬酒肆金魚應解只眼底春山亂飛空
翠不須錢買仙翁餐沆瀣試借問曾否朱顏改料難
比郎官大藥雙鬢蘆花看今日青青還再白舫西泠路
數昨歲幾回同載正湖畔多蝦菜此時相憶夢裏鶯啼
窗外醒來似聞款乃農部住在京邸聞封公訃髮頓白
今還黑矣

滿江紅

爲周雪客題畫冊

峨眉初消洞庭水高沒楚天被真把并刀剪取藤几留
看方絮澹浮雲夢澤尖毫輕抹酒香山渾不知是月是
斜陽涵翠瀾帆隱隱何處船衡湘路有無間望二妃

佩杳瑟冷空壇掌上浪痕疑帶響袖邊風色欲生寒記
此中兩趁米檣過曾扣舷

綺羅香

和蘅圃芸葉題壁

截竹編扉插籬分徑新拓軒窗都了隔絕紅埃但有香
綿飛到借牆外乳管陰濃護欄曲米囊花小乍移栽短
短山梅並棲便見翠衿鳥畫簾長是半捲放得沉穢
一縷茶煙同裊檢點藏書次第籤牙衣縹送春時無著
閒情銷夏地待添吟草更商量結箇松棚納涼看月好

洞仙歌

瞻園夜坐贈黃俞邵

徵車乍返滿蘭陔清淚空抱平生補亡意記梅根洗笋
李徑移牀今宵話又見落紅鋪地溫陵門闕在愛住

香草居集卷六
江南舊築東齋掩松翠籤軸鬪金樓硯北濡毫應不數
演山才思問約看燈船載芳尊更何似相尋仙芸香裏

月下笛 寄懷沈融谷

瘦沈多情惜香錦篋年年羈旅鄉城外曾記踟躕柳陰
語霎兒催上蘭舟別道鸚鵡湖邊且住又誰知旋買紅
鴛小馬向燕山路 春暮空凝竚看點點蒼駒晚風吹
去裁書付與一時難寫離緒雙松樹底銜杯共忍更憶
銅駝舊雨但有夢必相尋多在花辰月午

應天長

題陳鷗客桐窗讀書圖

種荷溪曲折漲一鏡魚苗亂點香葉隔浦雲深茅屋間
間幽絕讀書牀最潔正人倚晚窗支頰繞欄檻都是梧
桐翠痕重疊 首夏好時節正庭少嘶蟬林斷啼鴉解
事青猿捧出舊時吟篋客來尊便設愛消領筍奴茵妾
須認取畫裏紅橋好買輕楫

好事近

題畫

夢裏舊池塘綠徧芊芊芳草鴛鴦徑無人行處更不聞啼
鳥 冷香點地錦模糊鳳子會尋到長日東風吹過只
亂紅難掃

梅子黃時雨

五月三日蘅圃初度賦菖蒲爲壽

絡石盤虬是仙客舊栽亂水溪澗漸錦雨抽苗翠分如
劍已著紫茸煙穗連花帶露風中鮑芳根翦九節寸瓊
琴軫同短 付與柔蔥輕浣愛葫蘆刻就金縷雙綰把

香草居集卷六
玉髓零香細調紅
瓊預勸星郎今日醉
又何須待芳辰
換荷亭畔午時細
傾纜算

釵頭鳳 題盛奕雲城南小住

城南去牆東住
石橋須記垂楊路
柴扉靜連錢映小齋
如舫短籬圍徑稱稱稱
花淡處香風度彩箋重擬閑
居賦揮毫竟添佳興弄琴
春晝烏啼相應聽聽聽

琵琶仙 渡太湖

湖水連天命三老
駕我扁舟如葉恰好風
自南來蒲帆
去何捷高浪裏蓬窗全啓
見縹緲莫釐相接宿霧纜收
浮雲倏變此景奇絕
憶今歲兩到姑蘇又初夏初晴
好時節可惜此行還遠
向江淮城闕山共水匆匆過了

竟未曾肆意登涉
自笑非爲浮名故鄉輕別

小諾皋 解嘲

寄語家鄉平生親故
莫笑我囊空如洗看從來金穴瓊
廚閉門成市自謂陶朱之匹
不過驕其鄉里消受些姬
妾田園而已秉燭商量持籌會計
更何如貧無負郭環
堵蕭然滋味這一著贏他矣
水月非真鏡花是假悟
得浮生如寄故寧去廡下傭春酒
邊滌器口世苟全性命不向監河乞米
幾曾見八口啼饑真死歛跡投竿逃
名負耒覓生涯水次山間認取梅妻鶴子
長貧賤終吾志

怨王孫 自京口渡瓜州

海門潮湧金焦欲動涉險頻經乘風不恐買得葉樣輕
舟截東流 霎時來到瓜州岸回頭看故國山川遠長
江忽限南北從此天涯日思家

多麗 揚州

古維揚天生佳麗名邦芳樹裏繡簾斜捲紅樓十里相
望墮馬鬟全勝代女鳴蟬鬢欲妬吳孃珠榨流霞金猊
噴霧花街風過只聞香遙聽得竹西歌吹鎮日遶離梁
來遊者舟車襍還好箇歡場 感當時英雄豪傑都從
此地銷亡漢諸侯銅山沒草隋天子錦纜沈江遺跡重
尋新愁頓起空令孤客斷迴腸祇應向平山堂下高臥
讀書牀憑誰笑昔年浪子今日空囊

白苧

謝汪舟次惠詩箋及山閣詩

弱冠時便慕爾是能文者彼蒼何意還困騷人在野玉
鉤斜恨相見亦何遲也贈我五言詩墨淋漓鶯羣無價
古調清新原本過江顏謝感深情平生心事君能寫
風雅海內知名無過幾輩我欲彈丸天下讀廬嶽新吟
循環忍捨筆端飛動似注江峽水行空天馬才大總難
量東阿八斗嫌他寡藏諸懷袖珠玉光芒射

浪淘沙

真州夜泊

昨夜別揚州今夜真州此行不似少年遊莫問紅粧人
住處大道青樓 潮水落江頭月上城頭破除萬事飲
能不無奈酒腸天各與何計銷愁

夜行船

由魯港至三山夾從蘆葦行二十里

荻岸通舟溝樣窄避大江橫天風色畫槳徐開蒲帆疊
起不怕浪高千尺便作蘆中人也得願畢生釣魚而
食遮莫相呼掉頭不應只讀楚騷周易

洞仙歌

望九華山

丹崖翠壁秀色從天瀉見一峯峯盡如畫昔謫仙曾到
謂似蓮花千載後我欲登山去也直兒孫九井培塿
五松西望香爐庶其亞儻此中仙客拍手相招肯教我
鸞驂鶴駕請從此逍遙以終焉又何必躊躇未完婚嫁

九華舊名九子李白謂九峯如蓮花故更今名

水調歌頭

同斯年家兄夜話

我來官舍晚弦月瀉金波問訊吾兄安否千里挂帆過
見此江鄉一帶父老尚安耕鑿無恙舊山河經年一相
見且莫話干戈蘭膏燼香螺勸玉顏酡夜闌猶未高
枕只為別時多今歲已完婚嫁儻憶東溪小築為辦釣
魚簑不教山客去其奈使君何

簇水

銅陵客舍對雨

神女行雲昨朝猛雨今朝再翻盆垂練似天上銀河崩
壞獨自憑欄眺望煙霧生山帶失卻了杏松如黛粉
堞外髣髴見長江一派人在客情無奈小樓容膝不設
我鄉愁載可喜又添新漲注海東流大晴霽後歸去扁
舟快杏山五松山皆屬縣治

風入松 陵陽山中

千章夏木密遮天一路聞蟬農家盡報香秔熟未交秋
便刈山田矮屋安排水碓趁春雨後新泉 子明為令
即為仙野老相傳池名黃鶴今何處但蒼茫一派雲煙
問水尋山今日青鞵布韉何年

醉太平 再宿紫竹阿

來時棹經去時騎停酒醒夢覺愁生在三更四更 前
宵月明今宵雨零行人聽此淒清帶泉聲樹聲

鶯啼序

蕪湖舟次值內子忌辰感述

十一年前正此日慘淡伉儷命歸棹人在天涯如泉清
淚難制蕩槳孤城煙樹外凝眸何處家鄉是把酒卮遙

酌舊恨欲填胸次 博士寒門奉嘗華胄中表原兄妹

憶桃夭癸巳青春成童便作秦贅似高林翡翠雙棲比

清池芙蓉並蒂夜鳴機佐讀遺編挑燈相對 平生負

汝割肉歸遺未得但田園秉耒纔挽鹿家鄉寢疾難痊

返龜無計寶鏡沉輝瑤琴絕響那堪更悼重泉逝有一

女雙男折其二眼看翠袖只因曾侍山妻蘭室坐桃根

視 賴伊作伴擁髻淒涼能話當年事話到迴腸欲斷

我便哀吟豈惟孫楚情文交至樓中騎鳳江邊畱佩生

生世世為夫婦恐他生未遂今生志一尊且醉殊鄉料

得今宵人來夢裏

沁園春 寄程穆倩

五月停舟曾訪閑居碧梧映門有美酒盈尊接羅倒著
 生香辟蠹束筍橫陳吐納便便丰神奕奕淮海維揚一
 俊人相逢晚喜君能倒屣我願扶輪 硯名星宿堪珍
 見夢裏擎將圭冕神故石麟繡虎才華傾國秦書漢篆
 筆法空羣荷芟為衣松枝作塵憶聽清談又幾旬當斯
 際想科頭踞石抱膝看雲 我師倦圃先生曾遺穆倩端
 溪石一方其夕穆倩夢四日
圭冕神人執是石語之曰非玉非璞百辰灼灼天一之
 源女其善琢製成周身百眼因銘而名之曰星宿海
 酌江月 送孫無言歸黃山用曹學士韻
 君將隱矣指浮邱絕頂仙壇幽絕席帽荷衣歸去也門
 外驪駒銜鐵談笑封侯縱橫游說賤彼儀秦舌從茲揮
 手不驅城市輪轍 交盡海內名流送詩萬首共惜他

鄉別誰識伯鸞高士駕炊釜不因人熱十畝松林三間
 茅屋誰道先生拙砂牀駐老那愁鬢鬢如雪

少年遊 吳江道中

記纔兩月別江濱風景嘆全非巨浸沈田野航入屋農
 事眼中稀 吾鄉城郭前頭是貪看一帆飛風送黃金

橋經寶帶也算壯游歸

江湖口號夏月北風名
 黃金風以其難遇也

醉蓬萊

八月十七夜同家兄過周白門齋徐序仔
 錢尋千亦至

向柴門柳岸晚繫蘭舟客何為者想到當年愛清秋月
 好杜老吟詩不遺十七我亦憐今夜置酒茆堂解人斯
 在周郎是也 榻對徐生曲終錢子阜帽青衫一何瀟
 灑與予兄弟攜手松風下仰視明河清輝可掬此刻真

無價不計來朝觀潮海上騁桃花馬

香草居集卷六終

香草居集卷七

嘉興李符分虎

耒邊詞

南浦

秋水用玉田詞韻同融谷賦

社雨幾番過望橫塘十里輕煙迷曉漲綠半篙餘紅橋
路淨洗芳塵如掃短長亭柳亂絲低罩鴛鴦小一片晴
空渾似鏡難認水萍隄草泥融沙暖遙村泛青溪百
折牽情未了鶯語翠陰淡漁郎外誰解扁舟尋到香波
渺渺去年人去桃門悄魚浪不來花自落空溯春愁多
少

又秋水用碧山樂府韻同蘅圃賦

